

A Pekadu iha igreja:

❖ Pekadu konsensual

- Iha igreja sira iha Korintu, maske iha ema jintiu sira nia leet, maibe sira la tolera "kazu ida kona ba imoralidade seksual." (1 Korintu 5:1). Faktu katak iha relasaun inestu iha igreja mak kestaun ida ne'ebe seriu tebes. Maibe situasaun sai aat liutan tamba, envezde hamosu odiu entre membru sira, sira sente orgullu hodi tolera sala ne'e (1 Korintu 5:2 NIV).
- Igreja ne'e kompostu liu-liu husi ema jintiu sira. Sira nia konxiensia rasik hatete ona ba sira katak labele tolera inestu. Iha parte seluk, sira nia konesimentu kona ba Eskritura sira reafirma sira iha ideia ida ne'e (Lev. 18:8).
- Se sira hatete ho klaru katak relasaun ida ne'e mak sala, tambasa sira orgullu ho ida ne'e (1 Kor. 5:6)? Familia ne'ebe envolve influensia iha igreja? Sira gaba an nudar igreja ne'ebe tolerante ba ema sala nain sira?

❖ Eradisaun husi pekadu

- Se sira hatete ho klaru katak relasaun ida ne'e sala, tamba sa sira orgullu ho ida ne'e (1 Kor. 5:6)? Familia ne'ebe envolve influensia iha igreja? Sira gaba an nudar igreja ne'ebe tolerante ba ema sala nain sira?
 - (1) Atu halo julgamentu ne'ebe determina ema ida sala ka lae (1 Kor. 5:3)
 - (2) Keta halibur ka han ho ema sala nain ida wainhira ita boot insiste atu konsidera ita boot nudar membru igreja nian, la ho hakarak atu husik ita boot nia sala (1 Kor. 5:11)
 - (3) Atu duni sai ema sala nain sira no entrega nia ba Satanas, tanba, hodi valoriza sala, nia hili ho voluntariamente atu tau nia an iha Satanas nia jogus (1 Kor. 5:2b, 5a, 13b).
- Dixiplina Igreja nian (la haree ba sala nia gravidade) tenke iha nafatin objetivu redensaun nian. Erru ne'e tenke lori ba ema ne'e nia atensaun atu nia bele rekonese, arrepende, no «espírito bele hetan salvasaun iha Na'i Jezus nia loron» (1 Kor. 5:5).

❖ Hasoru problema internu sira

- Hafoin esplika oinsa atu hasoru pekadu iha igreja laran, Paulo fo sala ba sira tanba la tuir matadalan sira ne'ebe loos no tamba husik tribunal sekular sira atu deside problema sira entre maun alin sira (1 Korintu 6:1-6). Maibe Paulo hakat liutan no ataka problema nia hun.
 - (1) Primeiru, labele iha dezentendimentu entre membru igreja sira (1 Korinto 6:7a), no klaru, membru ida labele ofende ka bosok membru seluk (1 Kor. 6:8).
 - (2) Segundu, membru sira tenke prontu atu perdua (1 Kor. 6:7b).
 - (3) Terseiru, se laiha konkordansia entre membru sira, igreja tenke julga ka halo mediasaun entre sira (1 Kor. 6:2).
- Se laos kazu kriminal (Roma 13:1-5), problema internu sira iha igreja tenke rezolve internamente.

B Oinsa evita pekado iha igreja

❖ Espirito Santo nia templu

- Hafoin aborda kestaun kona ba litigasaun, Paulo fila fali ba pergunta prinsipal: imoralidade seksual iha igreja laran. Tamba saida mak ida ne'e eziste?
- Sarani sira hetan bolu ba santidade (1 Kor. 6:11), no ida ne'e tenke esklui sala hotu. Maibe balu mantein katak, tamba sira nia sala hetan ona perdua, sira bele halo saida deit mak sira hakarak ho sira nia isin. Tamba ho razaun ida ne'e, Paulo klarifika katak "isin laos ba imoralidade seksual" (1 Kor. 6:12-13).
- Ninia argumentu katak ita nia isin mak parte husi Kristu nia isin lolon. Ita labele foti Kristu nia isin lolon ida no tau hamutuk ho ema imoralidade sira (1 Kor. 6:15-18).
- Ikus liu, ida ne'e lori ita atu refleta kona ba asuntu krusial ida: ita nia isin mak Espirito Santu nia templu, tamba ne'e, laos ita nia propriedade, maibé pertense ba Maromak (1 Kor. 6:19). Maromak sosa ona ita ho Nia Oan Mane nia raan ne'ebe folin boot, nune'e ita tenke fo gloria ba Maromak ho ita nia isin no ho ita nia espiritu (1 Kor. 6:20).

❖ **Sexualidade ne'ebe permitidu**

- Hodi hatan ba pergunta balu ne'ebe igreja Korintu hamosu, Paulo ajuda ita atu komprende oinsa ita bele hases an husi imoralidade seksual (1 Kor. 7:1).
- Bazikamente: ema kaben nain sira tenke goza seksualidade legal ho sira nia kaben; ema solteiru sira labele halo relasaun seksual ho ema seluk ne'ebe laos nia parseiru.
- Kaben nain sira labele rekuza atu halo relasaun seksual hodi evita insita ema seluk ba posivel adulteriu (1 Kor. 7:3-5).
- Solteiru sira ho espirtu atu kontrola an bele aproveita diak liutan oportunidade sira atu serbi Maromak laho limitasaun liu husi kuidadu familia nian (1 Kor. 7:6-8, 32-34). Ema solteiru sira ne'ebe laiha espirtu atu kontrola an tenke koko atu kaben, atu evita tentasaun (1 Kor. 7:9).